

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

FEB 20 1957

3

T 5460/4994

已畦詩集卷之五

吳江 葉 燮



丙寅重陽前一日諸同人枉集草堂用昌黎
醉贈張秘書韻同賦

我本灌園叟蠖伏無令聞誦詩惡祖德筮仕負吾
君把茅南山麓沒齒焉用文詎敢希華陽庶幾多
白雲何來好我彥姓字秋蘭芬千里風雨懷山川
爾室羣跽然振綦履不隔吳越分素心樂與偕高
人亦成軍酌酒不在酒而不妨微醺乾坤金銀氣
不向此氤氳嗤彼雷同子蛙鳴只一云相視忘言

處巖花落紛紛世趣咻澹泊道味無羶葷粉白黛
綠流方且笑青裙物論亦焉齊鷓鴣詘蝓蚊請君
循已省勿恃香爲薰未知明日事誰先宿草墳努
力終歲計胼胝事耕耘藉諳琬琰章聊當鏞銘勲
一丘一壑寬朝晡以夕曛

足音振寒空羣籟并一聞呼童訊剝啄從天下諸
君諸君獨立士揚馬繼有文嶧兀名字峻敷華十
種雲鷺憐鵠羽白芷念江蘼芬或門通孔李亦交
在紀羣古今才一石各擅非瓜分百萬層愈上屈
買回其軍靡靡理聽飽醇醇道腴醺何當德輝下

圭竇光氤氳山水和去聲絲竹清音互爲云明日是

登高舄履躋繽紛豈少艷歌舞無乃俗羶葷奇石
慨名士晚香歎紅裙古今縱點染營營河內蚊今
與諸公約幸交護其薰束髮仰屋梁點鬼埋秋墳
筆塚纍牀頭石田苦耕耘巧拙固異宜出處各策
勲名言渥求夕晨鐘動朝曛

九日顧迂客雷阮徒集同人登楞伽山泛舟

石湖用昌黎人日城南登高韻

茫茫此百端造化日夕弄值此秋空澄一色碧涵
凍始知宇宙寬供我忘憂用九日亦何心景與人

已田言集 卷五 二升草堂
俱從邈然懷古徒千載悲秋共登臨極歡娛相與
將歸送絲竹佐清音縷縷出菰葑無邊瀉淼波逝
將一葦縱即物得優游緣心辟倥偬良時會可珍
尺璧奚足重

古音久已希誰能為雅弄高才奏陽春大地暄無
凍柔毫三寸羸能驅萬象用淵雲妙文章河洛佳
朋從登高或不登宜獨亦宜共始知乾坤隘吳楚
一睫送妙香帶湖光好歌出薶葑斜月逝川催斷
嶂飛鳥縱無端觸緒來應接翻倥偬更惜分襟期
曉露秋花重

答魏文讓州來雲臯景書

繫昔忠節公擊奸著大烈散為雲錦章啓佑鍾文
傑諸孫珍羽毛高樹千丈臯五字蔚長城萬言嘔
碧血塵多疑無甑鮮立恥金穴帥此識字軍海內
靡成列蘊藉大雅宗交讓吾心折奮髯者州來八
代俱不屑雲臯與景書爭欲唾丘垤各矜九畹芳
不畏鳴鴉鳩我有酒一杯謂可酌其潔布帆百里
駛相視兩怡悅時惟歲之秋晚菘供一餐斐然贈
我言出口百鍊鐵近慨交道衰輸心心轉結幸邀
高世義信友源忠節別君卧草堂默默景前哲

答周漢紹明揚明星

少游桐涇里屈指四十年清忠轟魏坊每過欲問
 天紹衣在繼世疑疑諸孫賢嗟予生也晚獲交紀
 羣間雍如被和風穆若面層巖榭楠杞梓材競爲
 國器先雖離式門內祖德琬琰鑄要以直行古所
 師貧逾堅在昔封胡輩祇誇奕葉蟬豈如通德門
 七葉輝聯翩幸我把茅堂相去十里懸望衡聲相
 聞炊煙各蒼然過從未云勞匡坐各勉旃還期久
 要懷慎此在山泉

答魏青城并令似孝儀

狎主騷壇正始音風流汝穎領朋簪長江歷寫波
 瀾闊青老筮仕成 都歷官江楚北府前籌鎖鑰深青老曾 任樞部門內文章仍
 授硯天涯涕淚灑同心青老急友於忠節公 同事諸後人尤厚山齋丘壑真
 堪老不忘端居梁父吟

答林西仲

著作窮愁寄此生風波悟得死生情西仲在閩 瀕死者數也知
 李廣少名薄不爲虞翻骨相清繡嶺斜陽傷立馬
 斷橋斗酒悵聞鶯明朝解纜遙天際別館瓊花好
 聽箏西仲別去 往揚州

答吳羽三

江鄉舊雨不堪論似爾靈光歎獨存
通德經傳書帶草幽棲客過浣
花邨楸頭朝擷萼絲脆石鼎宵
吟芋火溫斯世虎賁長寂莫
典型轉憶爾諸昆謂扶

九振六諸公

答曹叔則

高懷歷落鎮長捫長掩雞鳴暮
雨門野史亭中探月窰石交海
內見天根閒評舊夢吾先淚纔
話滄江爾便尊冷澹帶存堂上月

叔則堂名

獨醒杯酒幾經溫

答吳孟舉

更長燭明夜冥冥吳生不來坐
客醒烏啼花翻吳

生至滿堂詞客心俱醉問君何
事獨暮來爲買閨門笑鬢開好
詩首首雙鬟誦更寫秋山一簇
回

答朱望子

山塘七里草如茵白髮銷沉幾
許春譜得開元遺事在崇亭猶
說舊才人

猶是當時折角巾風流還認永和
人而今流水依然在洞口桃花又
幾春

答陳穎長

端居巨坐只垂簾不媿人稱真
孝廉主巷舊多名七傳長居同里江城尤言多出里中文游祇在讀書
載花零庭砌傷

琴韻

傷今昔

雲滿漳沱憶帽檐

晏如子同尊公西美與山子甫其四人同策蹇北行

欲

倩桂叢西汝住待看青嶂上霜蟾

答包自根

憶昨草堂梅蕊發遲君花下一生賒人因易別憐

尊酒顏每增衰惜歲華莫負同時勤作賦興懷遺

濕感無家

尊公驚幾四十年前奔家為僧與先人同住山中

舊游存歿均搖落煙

樹江城噪暮鴉

答周漢荀

我家分湖傍湖濱與君五世為通門忠毅剖肝殿

流血首擊逆閣褫其魂

魏闈初名進忠以忠毅公疏參憤極改名

先人幼締管

華席追義相切靡晨昏荀陳過從童白首而祖而

父古道存文孫豹蔚辭壇霸握裏驪珠真無價長

稍文少矜無前氣壓終賈使之下草堂蓬塞為君

開存歿悠悠盡一杯看君徐步朝元上我老猶能

見子來

答郭臯旭

吾交郭君四十載郭君日日愁無乃家儻吳臺半

畝宮寒哉伯鸞無伯通出門一步多岐路但遇知

音莫回顧君苗筆硯不須焚讀書飲酒如常度君

不見平原死公等碌碌君歸只買絲一束

世明詩集
卷五
答嚴修人

又見嚴夫子遙遙先後師
弁峰高直上碧浪冷應
知宮拙緣情澹文於抗命奇
西風傳問訊籬菊正
差池

高卧人寰裏風塵不上顏
長吟坡老句畱語右軍
山花月疑無主松筠喜得班
五言九脫手琴酒未
蕭閒

答嚴武伯

太保王家法文靖公如公早得師
龍泉隨舌在碁局自
心知楚佩由來潔雄門有問奇
高山景祖德鳴躍

本天池

令祖天
池先生

鐵石迴旋骨星霜輾轉顏
那能離俗物隨處看青
山遇酒聊同調逢荆即便班
幾回髯忽奮意似未
甘閒

答項東井

我旅禾中寺相望君家衡
君擁千卷書不復羨百
城君家有山不住山
山在一幅素壁之層巒有時
興酣暝日卧游境九嶷煙
樹佛佛出指端淋漓詩
亦就氣蹋雲巖裂石瘦鄭
虔三絕寡鶴呼滿城風
雨緣何驟詩不療饑山不
可樵水不可漁問君終

日含毫拂素意何如

荅金亦陶

短檠蠹簡費平章長謝周妻未悼亡亦陶鯉居三十年天為

此公奇絕偶人言吾子狷如狂風流越布衣恆素

露泣江籬水盡香獨立畫成君自照寒風響荅滿

茅堂亦陶畫空山獨立圖相贈

荅張超然

粵南薊北夢回空百里衡接山色同超然寓居虞山隨世交

游懷桂樹思鄉歲月計蘭叢超然離閩已十餘年文章轉逐孤

蓬老生事難令長揖工那得有田盈二頃畱君長

住古吳東

荅潘雙南

笠澤湖傍擁鼻吟囊琴匣劍遠登臨雙南移居京口脩然氣

吸金焦上獨往情鍾淮海深時游淮上何處關心眉欲動

不妨投足舌誰禁莫愁旅食淹畱地肝膽平原仔

細尋

荅陶季深并令子文虎

名老江淮四十年平生蕭瑟賦心傳何方著汝攜

窮去常自教兒識字偏結契有魚池上句季深兼旬畱余草堂

有池校讎無蠹匱中篇季深曾訂正曹秋嶽先生續獻徵錄兼旬土堊羞懸

榻深慰山靈琬琰鐫

詞華芍藥賦先聞是父人咸是子云年少最憐長

路別文虎有入都之行愁多賴有故人分短檠葉落聽孤館

長劒裝寒過斷雲詩句近傳經日鍊驚人健筆不

須焚

荅曹民表

鐵洲先生沒大雅慨淪胥經過西州門曾歔輒廻

車歐公有叔弼善繼讀父書家藏數萬卷籤識珍

璠璣青箱一一啓鍵戶供三餘逝將遺韻振相見

正始初客散孟嘗後握手恆謂予聞言心怦怦此

情永居諸許公大手筆繼世君勿疎

荅俞大文

價重無雙滿日邊錦袍猶著上方還閣中授簡分

三管辟裏遺經正幾篇大文修闕里志車果擲殘喧獨辟馬

蹄踏徧識遺鞭通門舊接趨庭鯉相望柴桑共黯

然尊公君升與予同出史子修先生門君升時亦居里

荅吳謙六

燕子烏衣壘舊窠尚書里巷又鳴珂謙六先兩尚書高文

舊價三都重峻望初家八俊多湖影當軒銅雀潤

秋痕啓幔洞庭波上林枝好棲君穩書寄蘆中一

放歌

荅沈客子

煙蘿十載枕荒阿，別好惟君肯數過。
傲世彌衡懷刺少，驚人謝朓落丸多。
同心夜月寒能見，別調秋香晚對哦。
慷慨去尋燕趙士，寄書早報渡黃河。

客子

時適北行

荅曹希文

翩翩鳳羽羨河東，鏤刻羣推賦手雄。
亭鶯皖睨攤書棊，几月玲瓏尋君翠坂霞。
千樹念我丹丘藥，一叢不淺扁舟臨。
別意隨君兩岸逐，霜

希文有賦格選

攜客幔

楓

荅鄭賈生

窮君百事不窮才，切莫臨岐搔首猜。
倘許封侯休易老，正如流涕亦無媒。
借用長沙語不囚落月添離恨，每觀繁
花莽自哀。遙想海風蕭瑟起，夜闌獨上妙高臺。

賈生館於京口

荅孫嘯夫

梁鴻長寄伯通家，旅食年年對落花。
贏得人傳詩在口，窮愁有骨作生涯。

宿海鹽曹希文廉讓堂次項東井韻

泠泠小有筑琴音咫尺花源許客尋千界獨籠滄
海狹一枝自倚碧城深高梧澹泊辭秋意翠竹虛
無脫節心爲感玄暉零落後待攜君手訪長林
僻灑煙雲硯落花擬將屈宋壓官衙吟肩不怕凌
霜雪笑口休逢冷齒牙酒熟螯肥同一候蜂鬚蝶
粉各知家尋常巷口看梁燕奇意無煩更挹霞
最宜夜月與朝暉人自清幽境自微蕉葉卷多堪
訊友菊英餐後不栽薇含情不向行藏異獨往無
妨巧拙譏聞道成與陳迹在可能羽化脫鶉衣

題沈客子紫西邨莊圖

二十年前憩此中曾將雌霓訊而翁於今生死傷
心處說與堂前半槁桐尊人藕菴

郎君聲價滿京華尺幅攜歸萬樹花摩詰後身圖
裏見岡前月色識君家

丁卯春日郭華野中丞京邸惠牋遠訊荒畦

荅謝

卧拙衡門下空谷雙鯉絕天邊有故人厚祿情還
熱故人曾肩隨花冑青絲紕曳組到吳宮美政魏
市碣八載冬日煦飲食祝敢歇高名震九閭鋒車
迅列缺峩峩柱後冠鶚羽秋雲揭丹衷契

一人甲帳眷方切手提經與綸骨凜霜如雪嗟此
菰蘆人尺蠖伏何劣不謂聽鑰勤念及無褐客銀
鈎青瑣來展讀肺肝迫巖花舞檐前寸心待誰說
耿耿知己遐書此心益結

送座主京江先生晉大司寇還朝

幾命宣殊眷容臺晉法筵月卿輝自朗壽域道偕
全聖代刑方措尼山席獨專雲霄舟楫意豈爲
羨登仙

禮樂三千地持平約法章好生天自德致主律
爲祥八柱承肩鉅三台望首嘗密焚晨奏橐聽鑰

赴明光

襍被朝天去咸知如水心聖情殷作醴臣意敢
投簪十道青門使單車五夜襟沐休容膝地解慍
和鳴琴

帝念東南切敷陳拜手明片辭春薄海一盼起疲
岷麻制看旋下鋒車已早迎菰蘆翹望處白髮老
門生

送張實存世執入都候補

世載師門舊頻捫風雨心清尊銷按劔流水在鳴
琴絳蠟銷吟燭青綾看賜衾驪歌門外發北望曉

雲深

屈指追游地風花數逝波賦心梁苑在弔古錦帆
多須作平原繡曾和白石歌此行雲路判倘憶北
山阿

和張韋存世執鮒魚之作次韻

尚食方陳天饌殊江珍別產出吳都衝風鑰啓
連錢馬擊榜關傳銜尾鱸椒殿常餘畱玉盃昭陽
賜出徧金鋪大官菲食聒為爾不向聯輿問姓虞

淮陰弔古

漫說淮陰三傑功空餘祠下水融融嚴陵終古垂

綸客不道人間有崩通

贈通州戴士友

桃梗欣逢海上槎淮陰城下釣竿斜傾尊應笑王
孫飯孤客如歸劇孟家蕭寺鼓鐘埋劍氣故人書
札話年華適寄訊范汝受莫愁肝膽平原杏共向河干眺晚
霞

上同年孫岷瞻少司空時任總河

宵旰東南切司空揆宅專績匡神禹缺事補女媧
偏愛國頻焚橐持籌為奠川經綸宣密勿丙夜紫
鸞傳

築舍盈廷是天開

聖主聰宣房虛議塞淇竹設施功獨握桑田券能令

海若窮試看持節處零露夕陽中

回首西清月龍池窈窕秋講帷思顧問赤管拜咨

諏青草連湖盡黃雲帶海浮時平臣自瘁祇為

主分憂

禮樂三千總文章百代該全舒平地手一見濟川

才相業烏頭卜歌鐘紫禁來獨肩吾道重隻字挾

陽回

苦憶江波惡衝風六月寒雲霄垂手切塵土濯纓

難霧塞鴻驚羽蘆黃月剩灘生平知己淚不向朝

風乾

灰冷難為撥巖棲敢數

上聲

層猿鳴聽自慣鳩墮意

何憑復接衝星劍終憐困凍蠅還從幽壑底延脰

赫曦昇

平湖孫嘯夫二百里來赴先人窀穸感而有

作

十載沉淪等窖冰通門誰復慰平陵西臺舊淚埋

幽壤故里冬青傍廢塋淺土幾年長夜雨荒邨何

處隔湖鐙多君執紼還徒步高處傷心莫謾登

詩律頻驚愈唱高去天三尺俯兒曹止攜袖卷酬
山鬼偏向風波刺水篙漂泊把茅今夜月虛無飲
涇隔邨桃方知一鋪劉伶便何待耽耽視二豪

西華地
多桃

題十鶴圖

孤桐撫罷山皆響圓吭鳴時水咽流解道風流還
好事輸他襍被一肩頭

趙清獻攜琴載鶴

五更孤唳問平安月地雲階警露寒自有佳兒誇
長物等閒過末謝庭蘭

林和靖子鶴

離離百尺攫虬龍擎出明星第幾峰情種千年應

不化雙雙舉案大夫松

鶴巢松樹

洞庭淼淼見危樓樓上何人傲白鷗鐵笛聲中冷
眼看世間多少上揚州

黃鶴樓

換角移商動地哀此心通處豈須媒鍾期死後知
音絕特地含情舞一回

師曠援琴

暮招晨放草堂開多事山人日幾回放去招來忙
底事此中間處請君猜

張山人招鶴放鶴

沉沉月浸一舟輕振翅橫流唳轉清鶴夢東坡坡
夢鶴鶴醒坡起底分明

赤壁橫江

人寰一別去游仙多恨須昇離恨天誰道別來重

識面葛藤添箇鶴因緣

子晉緱嶺

道人籠鶴緣何事一旦開籠意森然十二碧城樓

宿徧也應回首夜窗前

支公放鶴

瞳瞳日影上觚稜嫩蕊宮莎宛宛承不少茂陵多

病客看他毛羽占先登

鶴禁春曉

和陶季深錫山秦氏歌伎作次韻

寶瑟頻移鴈柱絃是耶非處總翩翩朦朧帳裏笑

蓉主一夜銷沉五百年

不須拍轉已迴腸消受生前此一觴若使琴心容

易見廣陵散是鳳求凰

蛾飛歷亂穀參差只恨迴波一晌時玉蕊交枝連

夜發新銜管領是花司

中秋後三日同人集孟舉橙齋次東坡松江

風字韻

貞下逢元老未窮

余丁卯生又值丁卯

片雲閒傍美人虹孤帆

偶載隨槎月畫閣方吹轉蕙風竹肉驚心憑夢斷

松筠索主問誰同年來綺語剗除盡不向簾垂賦

比紅時屏後度曲

岐路堪由莫歎窮雲通徑斷倚梁虹蟾升搖颺天

邊桂

坐中候榜者三人

蓬轉遲回木末風碧海離愁芳草歇

玉山曠代俊人同倩伊銅雀檐頭瓦謂叔則墨瀋翻花
亂落紅

近錢江吳地窮連蜷遙挂杖頭虹坐驚年少頻
追昔行畏波深欲借風霜鴈數聲聽始到霓裳三

變按能同沈存中畫百壺倒瀉秦郵甕不羨胡姬琥

珀紅

謝曹叔則毳毳縑素之贈壘前韻

回首交游道久窮高雲千丈壓長虹奇溫定勝裝
綿日宿飽長銜置橐風籬下疎花猶似昨梁間落
月有誰同老妻稚子驚相問語向龕前佛火紅

中秋後同人集用亶尚友堂憶五年前秋嶽

先生有此集限微字韻興懷愴然仍限前

韻

中郎沒後典型微風雅淪胥正始稀詞客旗亭猶
昔是采山花塢愴今非秋嶽先生園亭名隔谿蟬寂知秋半

倚閣鴻來悵月違時已下漸念到丘山零落處停杯輟翰

一獻歛

風雨從吾欵舊扉也知荃杜采應稀敦槃衰鬢驚
難再花月歡場漸欲微晚藥侵階秋得氣倦螢入
戶冷無依綠隄衰柳吾憐汝約略年華兩竝非

徹雲開士

三十年前舊徹公酒懷肉興更從容知公參透燒
豬意一味長留佛印宗

次韻荅徐鹿公

負債關心莫過詩吟還風雨斷腸時囊留折戟犁
黃菊帳葺遺疏弔墨池不分有靈銀作管敢希無
當玉為卮知公糠竅應嘗徧不道于今更養頤
怕聽人言匡說詩劫灰飛後幾何時雲生阿閣疑
無鳥露冷昆明尚有池竹影蕭蕭常憶屋酒瓢滴
滴不須卮相逢付與三生石藜杖過從便解頤

次韻荅王禹慶

有文在手張叵羅吾師乎爾言非汗壇墀握幟五
十載卑軒冕亦驕漁蓑坐擁臯比等旄鉞生徒肅
穆君婆娑鉛鏐鐵錫投大冶織莖倏拔成巨柯丈
室八萬四千座維摩差可絜其窩妙心濯濯月在
柳逸致瀏瀏風微波名士朱顏已白首食飽繞室
將腹摩興發為舟過二弃髯霜瞳碧顏偏醜笑指
拳山擬太華莫嫌尺水非洪河慣聽山鬼嘯白日
久謝鼓歌排天魔一丘一壑知我久如君亦勿歎
蹉跎兀然索飲沉一醉傍人竊笑真差訛

丁卯除夕

只此無多夕猶然滿眼塵夢依孤館
老天許萬家春風物隨兒女年華看去聲衆人別他三百六細細

數上聲長貧

六十還過二堪驕白首成輸人仍令節與世謝多情握管終難別盟鷗過此生我思何處著轉欲笑張平

戊辰元旦

已識世情堪失馬不妨吾道在維牛
頰肩終遜樵頭擔胼手猶賒屋脚疇難繫朱繩真欲放脫韁春

夢不煩收相逢籬下湖濱慣歸去招他一指頭

上元後十八夜集草堂同人分詠

見月

同曾青黎文賓日周明星

纔過三五又增三出匣菱花取次函缺過一分輝
漸冷光輸全辭魄猶含金吾放後人應倦蕙帳垂
時夢未甘莫笑山齋燈火寂久無刺語到傳柑

山頭殘雪

同郭阜旭鄭賈生韓聞山

峰頭霽雪帶朝曛昨夜模糊曉漸分翠袖依稀呈
素質玉顏零落倚青裾微微雲影相宜澹點點霜
花暫作羣怪底剡谿纔轉棹西山新爽已氤氳

九龍山頂足王夫差藏兵處同王勤中嚴武伯

山頭廢壘霸圖傾指點興亡笑戰爭已見鴟夸埋

伍相謾勞猿鶴作長城借用一軍 化猿鶴事烏啼智井軍沉氣

月冷霜林夜有聲却笑君王渾失計五湖人去不

煩兵

酌畫眉泉同上 禹慶周漢紹

故宮遺蹟亂山中俯挹清泉注不窮獺隨螺痕人

面香輕鈎淡抹水心空遙青借月雙雙見曼睩橫

波曲曲工識得眼前非相在不須空有問龐公

望洞庭兩峰同周明星

翠微天畔插晴空兩兩遙嵐鎖紫宮那得主人堪

對買好令賦手竝爭雄霏霏雲起天教合寂寂螺

分月在中便欲與君乘浪去幾回收拾舊詩筒

聽靈巖鐘聲同張超然潘雙南安九照

吳王宮作空王寺歷歷鐘聲萬壑中入夜每和鳴

澗雨凌寒常帶度谿風銷沉不去蛾眉恨喚起當

前紙帳空只有斜陽聽得慣千回任汝逐西東

二取亭同周漢紹明揚明星史蒼山

主人與世澹相忘濫取偏於風月場濯濯愛伊穿

檻影微微倩汝沉蘭香多生積累拚消受一夕櫻

拏為底忙盈屋滿庭渾不定若教收貯費商量

谿邊殘雪 同金亦陶趙書年

一夜寒谿凍色勻忽聞滴瀝已通津乍驚玉質隨
萍梗猶抱冰心問水濱斷粉臨流難寫照遺鈿委
地屬何人橋邊早有騎驢客淺印霜蹄去覓春

賦得柳色黃金嫩 同陳起雷鄭賈生汝鴻書

一枝獨擅漢宮春嬌額分塗覆翠顰染就鶯兒纔
却月織成杏子半拖巾不隨上苑桃同雨豫倩東
籬菊作茵豈為相如能賣賦故將擲地傲佳辰

紅梅 同顧俠君李合英

東風應不到巖前畫裏繁枝點綴偏穠比天桃疎
自映妝成酣酒瘦猶妍嘲伊居士情何澹遙憶佳
人艷對憐夜鶴曉猿齊悵望怪他烘染滿籬邊

莫將薄命怨天公只傍茅齋亞藥叢拚嫁東君瓊
玉碎遙臨皓月素娥空脂香細注殷纖爪金粉微
零印守宮也向霜天呈瘦骨竹窗鐙影當紗籠
垂枝婀娜立清宵袖染啼痕點點嬌霞舉笑伊顏
似玉丹還怪汝頰生潮雙棲翠羽迷朱閣半壓危

欄泣絳綃豈與寒鴉同比色月高露井照妖嬈

玉壘梅 同周漢荀俞犀月

檀心玉貌擅盈盈未許林逋聽喚卿霜月娟娟清
自寫曉風淡淡韻堪傾何妨絕世稀心賞別有知
音與口成若在昭陽應第一任他粉黛總無情

小天平山 同顧迂客雷阮徒

壘石為山積尺尋依然陰壑與陽岑撐持一簣凌
空意磅礴如拳不轉心妄謂朝天從世諦何須端
笏比華簪 天平山俗名萬笏朝天 堂前半畝聊丘壑徑路風雲
只自深

憶楊梅 同黃憲尹家學山

霜橙甘橘猶充案忽憶楊梅五月天脫體溫柔憐

紫玉堆盤色相壓紅蓮纔令入口脂堪注試取沾
脣暈可憐若使東坡知此味荔枝三百定無緣

方池 同王孝傳

新柳參參繞野塘寂無七十二鴛鴦誰能知我魚
長在忽謾低頭月一方雲影參差杉嶂落蘋花檢
點釣磯香若教洗耳吾心敢尺水何妨自望洋

放歌行為雷阮徒

出門不得意入門多咨嗟出門入門無一可尋我
良友雷生家雷生談如陣雲泄多否少可似鳴鳩
自言身是劉阮徒飲酒不醉目皆烈以此放懷天

地間我周旋我誰能齧余笑謂雷生君言似放無
乃狹古今億萬年六合幾萬里我欲與之爭一極
不朽有三豈醉人曹劉平勃難空捏一杯不願身
後名此公踟躕生前強自說我欲語子放聽我歌
一回放身直欲齊臯夔沉湎古王戒吐哺何暇舉
酒杯放志直欲希冉閔晝寢遭聖斥若使日中啜
糟必叩脛放言直欲凌列莊有如神駿恣騰驤五
石之樽無所用寧肯挹彼注茲盛酒漿君才何一
讓古人豈屑區區伍步兵劉伶強辭二豪詘彼乃
二蟲何知說不伸吾今與子約於六合外聖人不

論亦無害窮神達化靡不知日月不照吾心會沒
世益久名益稱彼竹林孺子偏側真曹鄴雷生慨
謂余言壯揮去三杯決所放直與臯夔冉閔列莊
屈宋竝駕而共馳千秋百世非雷生其誰歸

暮抵虞山宿嚴武伯山房

偶趁蒲帆住郊扉在碧崖山人占劒氣相府剩秋
花文靖公鰕菜遙喧市藤蘿合梵家忽驚涼月上轉憶
故山斜

稚子喧環堵如君自得多一窗生事足千樹好音
和門啓鳥羣去牀聯夜易過傳聞兵甲氣消息隔

漁蓑

宿蔣文孫齋閣有懷其尊人莘田

忽灑故人淚三年存歿餘

與莘田相別嶺南適三年

長懷湖上約

莘田曾與予言中州事竣後即歸買山兩洞庭間

不滅嶺南書

歲甲子莘田在嶺南貽書草堂并分俸惠

後

死文章在蒼生圖書虛

莘田有繪圖十二疏

低空雲斷處宿草

近何如

再贈文孫

卓立吾徒事元龍意自豪傳家擎直筆閱世破秋

毫慷慨攜花月殷憂護羽毛過庭臣鑒在

莘田纂臣鑒錄期

許上蕭曹

文孫惠酒米詩以謝之

秋暑餘仍在庭梧蔭尚叢傾壺無白傳

無目無也

大飽

計坡公頗有還山願休言吾道窮稻梁謀愜處畱

待語來鴻

早秋趙安臣招集同人湖舫泛山前竟日

選勝陳觴地山隈白舫開翠微爭客坐海漈揭浮

杯戢翼休瞻屋伸眉托賦才煩襟銷盡處親到最

高臺

是日登望海臺

山曲屏如繞湖連鏡似斜晚香驕得雨空影隔如

花偶見禮數吾徒短文章異代賒野人岑寂慣興到

索君家

立水鷗心遠低舢燕尾柔醉忘綺語懺顛和少年

愁天險思銘筆

山有劍門

山靈許釣裘還因芳草歇搖落

此淹留

情重壺尊外偏教醉不歸薄凉疑薤簞返照入蓮

衣拂酒森秋氣

酒極清冽美甚

烹芹得晚肥真令愜一飽不

憶故山薇

興盡山迴棹人闌席促尊交游雙眼倦閱歷寸心

捫笳吹嚴城碧榔鳴市艇昏只愁分手後獨立不

堪論

同人集安臣簡齋

風雅名山擅敦槃坐擁尊翻飛瞻得地骯髒倚高

門

安臣詩行倚門邊

峻韻揮凡瓦殊香領眾蓀何求空谷叟

傾蓋坐深論

虞山別諸同人

棹轉虞山影嵐光任滿裝主人申別盞倦客帶秋

香晚歲評交態游蹤質近鄉滿江搖落意怪爾又

相將

畫閣遲殘照疏簾得晚風候蟲愁自切碧漢淡能

同背郭辭衰柳還山值斷鴻何時風雪晚訪我別

峰東

已畦詩集卷之六

此卷俱白田倡和

吳江葉燮旦期

喬石林侍讀來過草堂即事八首之七

空谷丸封久何人剝啄尋鷗猜從不識山許入知
音啓只金魚氣投林玉爪心從前攜手訊底事罷
朝簪

漢主憐揚馬清時蔚鳳麟匡衡非薄祿賈讓竟櫻
鱗脫屣長楊館離筵灞水濱風流蘇學士幸不歎
長貧

別路隨明月歸帆滯斷鴻鯨波行自激鴟路退非

窮岱色開朝霽淮流護晚風歸來巢燕在去訪鹿皮翁

語我園林好荷花一里開豈真營晚計不負歎奇才濠上纒堪濯城隅逕絕媒借君魚鳥話佐我草堂杯

雞黍兒童亂倉皇一瞬謀沽醪聊飲溼剪韭乏殘秋熱肺消空谷狂談狎白鷗盡忘門外事斜漢轉前洲

且理登山屐吳宮寫入囊可邀林屋月怕採館娃香帶眼楓千點酸牙橘半黃還期乘興返重卧舊

繩牀

再促宵分坐呼僮炊晚供壯添山水腹重吐腐儒

曾詩好過堪和蘇過也○時同長公無功來神清玠喜逢令壻丘子莫嫌

巖穴陋百尺有高松

題喬石林縱櫂園八首之六

閒說城隅地天然闢葑葭入門開妙想一逕得無涯色界蓮花繞浮漚蜃氣遮忽驚青瑣客移向洞天家

綠柳千行曲平橋百折通鷗馴朱戶月鶴刷碧城

風園貼城東北隅樹老交爭影簾疎盡攬空慚非查上客聞

鼓到幽宮

歷置陳觴地隨流傍水磯波心堪駐馬池中有雲脚

忽開扉啓幔鴻成市焚香篆入微輞川無著足俗

物總須揮

書卷移牀便茶煙出竹深那能無熱客似欲賞灰

心是草拈堪藥無音不韻琴濠梁何限趣一一上

衣襟

爛熳花相代嚶鳴鳥遞歌撫時畱逝水息影補牽

蘿舴艋行堪住笙簧寂轉多夜游還不足明日更

揮戈

觸目成高趣翻然憶故山拂衣原異轍違俗有同

顏雪鬢終投老烏頭合賜環茫茫池上月今夕快

追攀

己巳夏五訪故人於白田詣同好存慰有加

賦長句奉貽拈十三覃韻四首

十年斷梗泊空潭漫學坡翁又過三客到似驚初

返鶴灰寒難簇不眠蠶朋交綠酒情憐舊選勝華

堂老自慚重見澄湖千萬頃荒城還上曉光藍

一肩襆被自徐南漸近淮山隱隱嵐逝水無心隨

處好浮雲得氣滿空含還依禿管謀黃犢為覓長

鏡賣舊鐔回首昔時同學伴行藏鏡裏幻空曇
 滄桑一笑怕重採物色依依憶鄭南世事幾人能
 自料窮愁獨我久相諳雲堂多病關常閉冰壑長
 征客不堪刮眼朱顏誇綠鬢老夫懷抱向誰談

斬陳冰壑兩詩人一病
一作客每不與文讌

江月淮風一向貪衰顏重對自嘲慙勞生燕壘衝
 空萬往事猿啼淚罷三青史自分人物表紅塵只
 隔水雲菴還嗤阮藉窮塗哭不礙芒屨一往探

喬石林先生和十三覃韻十首見貽韻無重

押予報以十章仍限前韻媿不能一一步

押也

新詩雲起湧圖南響徹層霄清徹潭直埽青天歸
 一碧遂令大地總無藍小儒魚日光難混長夜蟲
 吟韻自慚聽罷噌吰金奏作扣盆擊缶盡齟齬
 谷飲巖棲我默慚金門賦客也同耽燭龍銜照螢
 隨爝駮駟追風駑後驂厝火一朝羣赴熱飲冰三
 復我知甘天涯何處無芳佩好摘江蘼貯滿籃
 禮失而求待問郊縱橫史筆破重鑄萬言終納孤
 臣賈濟海口議先生
身退而言卒行九戰生降悍將邯偶有所
指青汗消餘
 存蝕蠹車輪摧處且停驂貂蟬八柱高明列咄咄

先生底事愁

聽述驅車越徼南風馳文命百蠻覃相如檄蜀風

堪挹博望尋河遠必探行到乾坤窮覆載先生談粵西山水奇

絕別有天地坐辭日月入訝含游七星巖列炬數百深入不窮喟然陳迹銷沉

後尚欠名山與未酣

子厚雄文寶氣函得君身歷始能諳名山妙合才

人悟得句神教畫史參先生有粵游草形容山水非摩詰能畫者弔古不須

悲逐客側身望處歎奇男疎簾花影閒清晝飽聽

天空海闊談

少陵窮老泊風潭如許乾坤句裏函直把孤舟橫

萬古尚愁一字斷天南靈均雜佩芳洲滿賈誼懷

沙暮雨含聞到岳陽樓上望懽心澤七接湘三

知己難逢顧影論但拈風月便思探尋歡梓澤難

并四孤憤漁陽弄墨三無事可談休捫蝨是絲不

挂莫營蠶江山擺滿斜陽下折戟銷沉幾許鏃

是耶捷徑滿終南關閉丸泥百二函買地種香蓮

作埒隔垣鎖影柳橫嵐巖前葉落猶防鷓市上風

傳且避魁相約共探林屋去淺紅深碧壁更耕

排場隔日劇叢譚悟得衣冠優孟慙終古王侯斜

日在寸心兒女曉風諳饒他自獵爭能手且計為

歡付夢酣參得色銷聲滅句盡歸濟老築拳三侍
家優客至必命佐酒

桑榆晚照託瞿曇收拾寒灰滿一擔要識文殊門
不二還須顧愷頰添三醍醐自性參獅象藿食從
人議蠟蚶千古現身誰是主辦香坡老在瓊儋

附石林侍讀原作○葉已畦先生過白田贈五律十六首督和甚力又示余覃字韻詩因答八首

十年聚散各投簪無數湖山縱所探中散辭榮因有七士師被黜不須三慵疎詎發蟲魚興跋扈仍餘飲啖酬林壑得君才有伴好將風月一筇擔

幽人家住大江南日落橫山起夕嵐山與葉滿林君遂隱白雲夾路我曾諳去年秋抄余過橫山一丘別有琴尊趣萬事無關風月談只把疎狂酬放廢半肩蓑笠付苔龕

犯檐老樹遮三畝插架奇書足萬函舊有蒼頭供種黍新增少婦解析蠶客來旋治茶兼酒食罷還添鱸與鮒燭跋星移談正劇隔林山寺鼓

錯錯

我向山中曾蠟屐君來湖上肯停驂登盤縱詔魚鰕美放箸終輸筍蕨
甘直道試看誰李邵交情兼恐少何戡兩人共有林泉癖來往風流幸
不慙

家有町疇剛半頃團團流水碧於藍兩行柳弱當風卧萬朵荷香帶露
含花放未須勞七七泉多應不羨慙慙縱然未罷金門直也合歸來結
小菴

白鷗泛泛鷺甍甍門是柴荆輿是籃白石清泉人共弃芒屨烏帽我偏
耽殺人終未疑曾母好色何妨謗魯男莫向塞翁論得失茲言却許對
君參

餘年筋力一鋤堪藝樹移花不厭貪榆柳杏桃迷曲逕蒲菰菱芡占空
潭籬邊野圃盈丹卉池外零町插碧簷更築小坡能十笏秋來準擬種
黃柑

久知妙解在優曇羞向人間說老聃剩有吟情千百首更拈險韻十三
覃驚心盤折如餐蔗入口崎嶇類食蚶嬾慢自憐才思減那堪索和日
耽耽

余既和已畦覃字韻詩八首因索拈餘韻見答更賦二首促之
小技紛紛矜翡翠巨材落落寡椽楠原詩著後明于火已畦著原詩憐僞體
源流王變甚確
傳來濁似泔肯效李何摹漢魏更嗤江漢想譚原詩篇
內語也狂瀾應借先生
力莫使隄防逐日坍

團成筆陣兵難罷白刃空券不著錮沒羽縱難追李廣沉舟終欲破章
邯旌旗須變軍中壘中慟毋羞聞外鐔鄒魯可能稱敵手狂言端仗故
人涵

石林復壘前韻八首貽我始一一壘其來韻

報之

戴笠長辭荆玉簪杜詩荆玉簪頭冷呂梁千仞險難探偶翻

雲笈籤抽七乍洗霜鐺足折三蒸叟夢中仍是覺

靈均醒處却如酣牆東忽到西清客風月平分一

半擔

隻影霜鴻自北南手揮熱客隔重嵐風旛總是由

心動冷暖全憑飲水諳擒縱得時離迹象升沉悟

處絕言談吾生何物猶虧欠喫飯穿衣老一龕

雄視騷壇七札錘風花露月一囊田自然玉蕊開

三樹不斷紅絲曳八蠶謾嚼英華唐作鱠別饒風

味晉如鮒知君丙夜吟殘後簾外檀槽已漸齧

端居何以釋憂悵花逕鋤成鶴舞驂詞客無靈呵

屈宋書生妄想息陳甘儵魚縱壑將無返鴉鳩高

鳴總莫戡白石名花并好句一生對此便懷慚

碧天青嶂遍杉楠大地圍成總一藍只有文心舒

五色何來雲氣滿中含要知曳尾非專達試想浮

鷗也是憨何似樹叢谿轉處矮檐新架兩團菴坡詩

為作兩
團菴

昨宵驟雨前谿漲曉起青黃摘滿籃野老無知歌

力苦高人有福任情耽將鄰石戶攜雞犬乞附華

胥作子男末著殘基尤劫急輸贏一著刹那參詩來

有殘基落落姑休著此局輸贏不待參之句

前因歷歷境何堪只覓心安便著貪衆壑生風分

一呷坳堂覆水作深潭秋來想捋千絲玉尊也客久

思懸萬笏簪吾蘇天平山名萬笏朝天近遇佳辰恆敗興眼前岳

已厭黃柑

生平知己慟羊曇入耳良規佩老聃地若埋憂容

作長園名縱擢儘教覃林妻不厭祈生鶴何肉難

忘學種蚶浙人蚶皆下種明歲龍鍾周卦氣便教有眼那能

耽

附石林原作○已畦見荅十首會朱劭孺王方若劉禹美鄭千子陶文虎劉彝上舍姪雲漸長子崇烈各有瓜洲因更疊前韻八首簡已畦縱然未老脫朝簪肯向空門仔細探已時勸不過聖凡同九九何勞前後說三三行藏不與榮枯數生死惟須寤寐酣詞苑平章銜不細鼎鐘勳業看人擔

乘傳當年向日南朝飛霧雨暮飛嵐山連楚粵青難記水剪湘離碧未諳只我曾經雙屐屐遍對君好作一宵談是日談獨秀峰七巖巖諸名勝甚暢幽巖曲竇嶮崎甚峽路何須詫有龕

阿咸垂老耽幽興逐日詩成滿一函雲液茶香能當酒木棉裘暖不須蠶衰年步履頻扶杖澤國盤餐且食鮒縱為目昏疎卷帙逢君吟諷日

華竇營成添五柳筍與坐穩減雙駿無求但覺人情好有故方知野趣甘鶴忍山移吾可免蟻喧龜怒爾休戡相看白髮尋常事縱對名花也莫慚

豁亭劇飲頻浮白是日集研席訓詩想出藍時王方若一卷奇文羣響寂寂
厚長律成誦兩家夏木茂陰含東閣相鄰才堪肆應輸君博皆限覃字韻
口不三緘笑我愁幾曲清流橫屋角綠楊深處築蒲葦
禾譜蠶經堆滿几澧蘭湘芷摘盈籃歐蘇堪作樵漁侶牛李何能未石
耽盜不過門因五女詩還能誦况多男殘碁落落姑休著此局輸贏不
待參

廿年薄宦冷誰堪除却觀書更不貪上殿也曾爭似虎去官那遂墜
潭且搖柔櫓探丹壑更著青鞵訪綠簪余歸田後曾訪吳越諸名勝每到黃鸝能轉

定攜醪醕載雙柑有欲薦已畦赴博學歲月何能彭與聃荏苒百年難把
隱淪誰薦薦穉兼曇宏詞之召已畦辭免歲月何能彭與聃荏苒百年難把
既蒼茫萬卷欠研覃胃當寒日惟需韭肉到衰時也似蚶雲堂蠶落不能食肉但恐
恩恩便爾爾無勞逐逐更耽耽

墨韻投喬雲漸四首

君如叔夜懶何堪欲起猶眠故故三危坐日成銷

硯北雲漸有目疾好詩心動望江南雲漸尚有南游訪吳孟舉之興虛無錦瑟

前塵在寂寞煙霞夙疾諳老去窮愁經百鍊近脚

茶苦已如甘

淡日魚羹齒頰甘蘆中滋味儘深探糟丘屢躋家

徒四雲漸家釀名喬家白馳名江淮南北筆塚堆牆逕換三雲漸齋舍已易未到傷

心同向秀能無聽曲歎何戲游吳及早須乘興萬

樹霜花勝嶺南

領袖風流舊汝南酒場茶社正須慙計從花鳥拋

殘拙人到交游倦後諳觀象衰年疑九九逃禪捷

逕印三三莫將偏側爰生事萬壑雲泉恣汝探

種柳成圍歎漢南樹猶如此孰能堪周旋只我寧

容兩不朽憑他莫管三有酒自澆駒過隙何心去

問俗交誦縱饒大地無風雪只向袁安卧裏貪

余癸亥冬過白田臨行朱劭孺孝廉賦二律

送別忽忽六載尚未賦荅茲復至白田漫

賦奉投兼報癸亥之作仍限覃韻四首

丹楓霜月似春三正爾懷君到水南山市嵐光迷

桂楫松窗鐙影上華簪去歲十月劭孺同劉禹美顛山中草堂人從擊竹聲

中別事記呼猿洞口談辛苦屋梁清夢杳幾回寂

寂百花潭

暫辭叢桂訪淮南雲樹迷離門巷諳雪鬢輸人耦

二五蛾眉畫月看初三早將天上蓮雙炬來映山

頭火一龕每到君家回策處悼令叔監師傷心宿草淚長

函

知從竊裏細搜探高倚摩天把宋罈欲問秦時長

在月也須魯國可稱男蕭蕭秋到人如玉冉冉蘭

幽宅是舍未日疎簾聞落子遲回一著策東南劭孺

善

滿目荆榛壓杞楠桐孤松老影甦甦觀場競說持

矛兩自酌頽然過爵三垂老交情來日少當前景

色片時貪他年倘憶平生舊記取門前水似藍

疊韻荅王子方若四首

廿載才名握利鐔，洪鐘含響笑嬰甌。王恭新月春
方濯，謝朓餘霞綺自覃。玉樹枝枝俱入賦，水晶寸
寸莫教函臨風。三復瑤華句，築駿臺高早辦驂。
莫歎無媒鬢影髮，要須椽棟必榱楠。裁成雪調明
如月，蒸起文心化作嵐。雲夢早知吞八九，波瀾久
已老東南。伊唔不是千秋業，自有雕龍稷下談。
三伏何人不息驂，疎簾清晝飲方湛。蕭齋北郭書
成解，舊侶南皮興幾酣。曲沼玉鉤秋欲墮，短檠斑
管夜猶含。書生一劍恆思荅，內蕊含香待爾簪。
輔嗣名言高坐談，靡靡可聽引人耽。春融澤國大

歸畫月滿澄湖境，可參坐隱聊當干日酒。風流原
許一分愁，秋郊玉露清如許。西爽尤宜傍曉探

再疊侍讀前韻八首荅無功孝廉

不因頭白不勝簪，聞有游仙枕未探。寥廓垂天蟲
笑二淒涼，舊樹鵲依三。余凡三至白田沅湘故物蘅芳在，河
朔新鋒劔氣酣。家有文安堪北面，髯蘇并作一肩
擔。

一篙秋水錦帆南，有客衝風破碧嵐。竹蔚徑荒疑
室遠，雲卿菜熟問人諳。莫參龐老妻兒句，祇聽崔
家父子談。無功侍其尊先生訪我草堂今日把君湖上袂，銜山如見

隔林龕

句裏蚤弧貫兕鍾

來詩有羽書
酣戰之句

壓令元白倒詩留連

枝玉映高樓萼

令弟致能介
夫俱高才

五色絲抽獨繭蠶雪到

青城知近鷺風來黃雀可無鮒

六月黃雀風來便無蛤余
嘗謂海內珍味當以吾鄉

黃雀居
第一

橫琴萬朶蓮花裏深柳鶯雛轉尚齾

五言本家
學六言才

名理擅劉惔妙解騰驤左右驂染翰墨深三

字無功善
書

寄愁曲寫八聲甘鶴羣皜皜方同和蟻

陣紛紛似避戡七業俱興誰不羨一經薪盡我堪

慚

近郊精舍繞楓楠多病維摩卧蔚藍

余適病
肺甚

日日曹

劉牆上競

諸相知日
以詩見投

時時壁壘膈中含消愁無酒因

忘渴煮字充饑著底慙贏得好詩天末憶異時涼

月落茅菴

蓮衣將褪粉麤純辛苦蓮房拾滿籃忽愴紅顏朝

露盡可虛白日寸陰耽坐消蠹卷雄稱伯饑走荒

山老媿男干古文章誰得氣秋風遼海請君參

零雨飄風我久堪春華無分不曾貪芟蘆滿目歸

空相鴻鴈依人認故潭長坂涼初蘭展葉小山露

泣桂將蓂秋來物候關心否怕問窗前三寸柑

影現空華悟鉢曇閒中觀妙我師聃杜陵愁又樽
前到屈子游從室裏覃得計枋榆無似鶯防身甲
冑竊嗤蚶吟成便遣詩魔去漢魏三唐莫漫耽

疊韻答劉禹美都諫四首

蛟龍未雨在深潭年少終軍我舊諳自有傳經輝
夜閣果然抗疏歷朝簪宮莎藉處朝元北內蕊看
殘井榦南還憶故人滄海上重將墜履入叢譚
斷鴻縹緲落江南偶趁蘆花借水涵天末乍臨天
上客月高忽到月中驂去冬禹美遠過山中山空夜響冰霜氣
逕杳寒封木葉龕如夢對君深話舊憧憧無燄一

澄函

落霞孤鶩儘容探閒裏尋忙杖底諳念冷百端無
集處心同千古許誰參衰顏自歷滄桑慣客路逢
場語笑慙封貯白雲畱嶺上君還朝作贈行函
如蘭兩世盍朋簪令先尊贈庶常公與余情好最深絮酒常懷宿草慚
白日影過今古判青編句在死生諳癸亥予過白田與贈公唱和詩在徵
雅初寸心交憶綈袍舊來詩有念我懸鵲還贈縞○丁巳禹美公車余無以為贈解身上一袍贈之
隻字霖回

聖主甘禹美疏論揚州田畝被澤者數百萬家我去菰蘆忘歲月一星長望

五雲南

已田言集 卷六 二并草堂
壘韻答鄭子千子二首

時命文章詎兩諳任伊流轉自尋甘一椽負郭心
常苦遠道依人夢不酣千子時適楚幕鬢到中年休顧影筆
乘夙習只勤含莫矜萬卷擁書意不把人間南面
貪

昔年劉子實奇男

指禹美

常歎君才伯仲堪刮日搏

風輝羽翰傷心隨水混青藍一囊自貯秋山好

千子

工畫五色誰眯戰壘酣勿以憂貧添失計故將畱滯

歎周南

壘韻答陶子文虎二首

生涯合作羽陵蟬斟酌風流唐晉參冀北登臺常

自獨

文虎頻歲北行

湘東授管定兼三家傳猶喜書千卷客

况能贏粟幾甌曾到曲江拚醉否傷心淚染布袍

藍

橫山鎮日坐晴嵐

文虎曾榻予草堂半年

歷落詩情妙舞驂別

後涼風秋幾九重來佳句影添三長天鴻爪何方

住獨夜龍泉半壁畱還記殷勤臨別語也曾箴我

戒癡憨

壘韻答劉子彝上四首

烏衣家世雀桁南才似雲行膚寸覃天祿經笥傳

身簡彭城詩筆滿華簪夢回午夜蓮舒障秋滿明
河桂作菴正爾盛年懷不細急將寸管擘叢蠶

畫閣臨流空影涵高吟詩卷當名談鶴歸千載人

還在

彝上適讀柳州詩覺柳
州先生風致宛然在口

事值今朝意可參直北紅

塵常哀哀再東清露自湛湛

彝上園中
有再東閣

會心魚鳥原

堪狎濮上何人得早諳

好詩凡穎得真參到處淋漓唱疊三黃土我犁蓬

標後青冥君上鳳城南疎簾沼寫雲初起半榻桐

深露曉含憔悴忘歸搖落客涼風乞我一窗酣

舊是驚飛帶月南重來倦羽撫心慚生逢虞夏違

時獨天許雲泉錫命三綠鬢軒霞雙袖舉玉山朗

月萬川涵回思十四年前夢正是扶牀出匣鐔

與千子文虎彝上諸子論詩竟日仍疊韻二

首

郊原避暑憩精藍詩友論心得失諳界擴巖疆雄

百二眼高俯視大千三曹邾賦陋誰江右

江西派也

俎

豆桃先首劔南怪底冬烘誇曉事也將兔冊腐毫

含

遺山詩論抉源探八代三唐總一函勁比松枝蒼

自韻味同蔗境老方甘莫將牙慧隨人後原許毫

鋒縱我貪一自王風零蔓草幾人能拂倚天鐔

疊韻荅朱恭亭二首

囊隱班絲香蕪龕修梧深柳隔湛湛

恭亭讀書環谿與寓齋祇一水隔

郊居賦就雌蜺字秋水詮成白馬談庭有傳書周

柱下

尊公澹子先生

庫饒奇癖杜征南五花貽我芙蓉句初

日亭亭露尚含

芍藥新詞早歲諳露華堪挹玉堪簪目成異彩偏

能擷手擘長風不厭貪雨雪繁中光獨照天人帷

下策三探蕭蕭剩有南山叟驀遇忘年黯自慚

疊韻投孫以一二首

六十窮愁只自甘一生好似滯周南不逢稷契明

良五羞問哀光姊妹三寒雨衝檐繁自暗月華當

枕夢方酣饒他陵谷漫天換不到先生斗大龕

淮水江風爾稔諳相依惟有鬢髮心馳天壤腸

迴九淚盡王門足別三秋到幾遲衰柳渡燕歸重

訂藕花菴甌塵高處閒吟遣莫把憂懷却似惔

疊韻荅王亦退二首

客裏相親傍舍南短牆亞見一鐙龕風塵自愴聲

名老詩酒家傳禮數諳屈指關河編舊夢

亦退頻有紀行之作

填膺塊壘倚高談不須事業頻看鏡措大宮商在

一壘

過從良辰不厭三晚花零草亦情堪窗虛夢轉生
生白簾捲秋宜遠遠藍落木人遙愁渚北大江聲
動過圖南憑君莫被華胥罔煙閣雲巖一樣愁

偶作疊韻

四大交征并作痰衰年肺病苦難堪窮通投老無
容計去住關心只自諳藥裏總輸籌口八詩筒且
置問餐三西風忽變朝來色遙想疎簾午夢甘

酒間雲漸談及香奩遺事口占

林下偏成處士風不須廡下羨梁鴻重重繡幕無

人見多少蕭娘腸斷中

輕寒嫩暖晚風斜風月簾前總不賒怪道珮環聲
去後從今雙眼謝梨花

送鄭子千子之楚

菊香鐙影竹風前送子明朝上別船親到阿瞞橫
槩處東風猶自護花鈿

一帶青山建業連芙蓉零落有誰憐漢南剩有婆
娑柳折寄相思估客船

十伶曲

為石林家優作

楚相衣冠埋暮雲當場摹寫宛生存章華臺上如

相遇不遣吳師入郢門

杜乂膚清骨相勻也知家近宋東鄰一枝栽向靈
和殿思曼當年最惱人

流雪迴風步步生凌波一朵玉含情朝元閣裏披
裘出鐵石應銷宋廣平

常棲緱嶺聽吹笙舞袖蹁躑畫不成忽訝飛瓊花
下見方知子晉是前生

曾向天街捧紫清明霞隊裏玉妃行囑伊勤看雕
籠鎖莫使啼殘掌上鶯

賜著輕寒簾外袍露華霑處月痕高千年影闌長

生夜誰向氍毹咽翠槽

九里山前弔霸王嗚喑重起擅當場虞姬別後知
音絕剩有閒花報主香

百萬雄師未奏功帳前一卒策平戎看他帶礪雲
臺日一笑封侯是夢中

世傳曼倩是頑仙合向歡場去結緣知是投壺贏
一笑舍人輸却滑稽先

小心長信玉階身金水河頭不賣人忽聽流鈴吹
九子萬年枝上祝長春

已畦詩集卷之七

吳江 葉 燮 星期

張超然送泥美人侑之以詩次韻荅之

聞根音絕汝南雞四大先和地水齊不遇罔明終

入定女子出定公案縱然離垢怕拖泥難令天女魔排舞猶

勝山家樹作妻貽我珊然當帳立傷心不覩淚痕

啼

緘口無煩刺牝雞鬢蟬朝暮綠雲齊朱唇不啓辭

蘭沐纖手長挪切玉泥望石有靈呼作妹化人能

幻聘為妻可能行雨陽臺上十二巫峰鬼夜啼

何愁老至歎皮雞骨肉無分一和齊但使支撐千
種艷只憑封閉一九泥燈籠生子邀為伴露柱懷
胎合喚妻燈籠露柱
禪家公案豈有夢魂遼海去枝頭莫打曉
鶯啼

感君贈我當家雞抹粉施朱色色齊舊侶高臺陶
作瓦餘材名款琢澄泥聊同中散形忘我終省東
方肉餉妻怪底由來無似續一杯那得小兒啼
食之無味肋同雞古曲無音那和齊薄命自拚臣
碎辭芳心難想婢遭泥石言于晉應嘲汝筆亦能
花浪說妻莫學綠珠樓上墜粉身誰復與悲啼

良人何處賦棲雞豈歎飛蓬命不齊拾得花鈿猶
化土怎教玉貌不成泥風寒繡幕疑神女鎧影紗
窗宛鬼妻怪汝無情呼不起城頭鬧殺夜烏啼

防他失足落湯雞也是文齊福不齊那管兒孫長
奉櫛怕他霜露怯沾泥若教析肉堪還母倘得能
言定易妻只為心同無竅籛夜深恍惚女歌啼蚯

泥心鳴
為女歌

奚事丁寧昧旦雞終宵不卸約鬟齊樽前總認骷
髏粉身後誰憐躑躅泥妾貌三千難換馬金釵十
二等無妻一生默默緣何事不敢逢人強笑啼

娟然掩袂對窗雞燕子雕梁語楚齊莊叟夢中堪
化蝶漢皇封內亦緘泥異鄉水火憑他嫁同類兒
郎豈認妻相見不難離別異總無巧笑與嬌啼
湘裙十幅繡鴟雞任被風吹越整齊只為宮中貽
禍水將無垓下錯訛泥不妨膏沐修嬌女只怕塵
封混老妻賺殺王昌初識破伯勞飛去鶉鳩啼

題歸安韓蘧廬抱膝圖

羊裘不著衣縫掖章甫有冠髮衝裂掉頭且住無
言說長吟短誦噴冰雪兩膝吾有非外客抱以持
之勿敢褻目何所送心何適平勃嵇阮兩不屑家

傳太史讀書訣

韓求仲先生

羣下食龍奉將撤左彝右鼎

雲雷列子姒姬代文質別一卷在手長莫逆滄海
塵飛天傾碧嬴劉不聞此一席吁嗟乎彼何人今
吾將偕之乘雲氣而追列缺

同韓蘧廬羽南聞山游弁山夜宿資福禪寺

夢裏坡公句弁山特地親百盤雲護寺萬頃竹無
人宿習尊前話餘灰劫外塵月明梵宇靜轉悔倦
游身

法鼓沉沉暮禪鐙黯黯深榻畱斜月淡幔卷定香
侵相視憑拈句招攜試聽音明朝揮手去到處訪

同岑

攜得陶公酒來尋謝客
山高峰尊獨立大地讓餘
閒猿鶴歸何處藤蘿只自攀
老諧泉石願不怕鬢
毛斑

寺竝諸天會

資福圓證多寶積善
四寺竝在一里內

雲歸衆壑驕孤松隨

竹隱廢壘趁坡高

山路有土城云
是明祖遺蹟

決計驅黃犢多生謝

絳桃

路旁多
桃花

君家破膽向三舍避詩豪

疊韻又得二首

不是濠梁地翻令魚鳥親
道旁誰塞馬石畔幾情
人藉爾孤生竹贏他十丈塵
繩牀貪穩卧忘却漆

園身

嵐翠憑欄近秋花傍檻深
臺空星自闕壑冷露先
侵欲悟身前事多聞靜裏音
此懷何處放同上最
高岑

過圓證寺登岫雲開士山樓

千畝琅玕繞過谿樓樓松頂片雲齊
道人午夢渾
閒事不管黃雞唱日西
北窗恰對綠雲屏
午夜焚香數落星
萬種秋風聽
不盡半天殘月伴空庭
月浮湖影元無相
谷轉寒吹莫是聲
堪笑東坡老

居士只將鴻爪便題名有東坡遺蹟
精藍小坐飽茶瓜喜得相從慧遠家歸去定攜何
長物翠微雙袖向人誇

虎丘登眺 庚午

振衣不必最高巔舞榭歌臺總愴然色界繁華憑
浩劫吳宮指點有蒼煙悠悠夢斷真孃墓渺渺魂
歸少伯船塊壘填膺澆不得與君且酌第三泉

草堂對雪

只有山情相對空那堪飛霰挾寒風疎枝自愛孤
山瘦饑雀真同趙壹窮本是虛堂饒受白謾因邨

釀借微紅五湖疑是連銀海祇恐冰山一夜融

山窗

束縛微軀丘壑中辭間五嶽托琴通情忘燕越吾
生了妙棄筌蹄夙習空山色故依簾影翠夕陽偏
入幔鉤紅妄將老病師摩詰若箇文殊無是公

賦得山色有無中

曉望雲屏六六峰霧籠煙鎖翠微重誰將色相歸
如幻若問鴻濛定有蹤畫手描來疑翠黛鏡花臨
處辨芙蓉明朝試訪山陰道依舊千巖萬壑逢

賦得雞聲茅店月

白田言集 卷一
旅舍孤檠後夜殘隔垣人語俶裝闌檐窺斜照催
人去風送長鳴入曙寒清漢橫來看不定候蟲吟
裏聽無端知君此夜相思苦喚起愁人對影歎

過張子朝鼎信宿翌日坐雨拈山字韻

閒來訪友看晴山曉起山容霧靄間天許故人同
聽雨坐無俗客儘開顏春催物候花含淚話到心
空鳥轉關只恐杖藜行不得沿谿步步響潺湲
捲簾隱几共家山入坐誰分賓主間似我無心緣
雪領憑君努力正紅顏虛無琴筑真成韻咫尺瀟
湘莫掩關歸去蕭齋無箇事方池餘溜寫潺湲

訪陳玉文西郊館舍貽我長句次韻荅之

斷虹影裏見亭隅蹙蹙扶筇笑步趨物化遷餘俄
臂肘文章衰後失看鬚蓬蓬風起應推汝落落天
高自任吾詩句西江香瓣在由他宿莽滿泥塗
古曲無音難覓知笑伊一字便稱師蘭香觸緒紛
如夢風月慵拈怕綴詩虛館藥殘傷晷去短檠蟲
落釋愁遲秋深期爾荒山道滿地芙蓉慰別離

疊韻荅陳起雷

幾回尺素到山隅欲荅還遲媿亦趨看破前塵雙
隻眼捋殘孤影幾莖鬚好憑寸管揮餘子只向千

西言集 卷八
秋去覓吾我是滄江舟不繫別君何以識前途

再答玉文仍次來韻

飄泊年來不記蹤故人情似綠波濃文成異彩誇
朝樺味結同心有晚菘我久移家甘煮石君應聒
耳聽歌鐘只期老眼摩挲在長得春光一笑逢
自甘土木似嵇形不復分明醉與醒到處放懷干
頃白窮來舉首一天青君期踏馬先春去我謝啼
鴉後夜聽不淺將無君興發乾坤久矣忘孤亭

梅花開到九分

掩袂妝殘擁髻圖繁華次第玉銷膚一枝斷粉闌

干淚畱得徐孃半面無

檀心暈卸笑猶嗟恰對何郎粉貌醄舞到霓裳雙
遍後春風管領已無多

亞枝低拂碧窗紗鏤月烘霞日日加祝汝一分畱
作伴可憐處士已無家

題沈雲步扇頭畫松

幾摺湘紋比雪紈一枝蒼翠寫生難憑君棄置秋
風後常在笥中耐歲寒

題扇頭黃山圖次韻

纔展湘紋第一重眼前了了萬芙蓉從今無復青

已田言集 卷一
鞦韆只在毫端認舊峰

余游黃山
已十年矣

竹民開士山房牡丹

麥隴葵阡擁上方法王宮裏見花王沉香別後春
無主轉作禪關蒼蔔香

野草閒花自一方平章國色付空王知音却笑如
霜鬢枉對臨風骨體香

律門狂客不同方誰顧花王似象王參得色銷空
假後不妨棘標亦生香

家在橫塘水一方野花開處也稱王無媒不倩蜂
和蝶如夢看來那辨香

却憶朱欄宛一方殿春偏汝壓春王憐余老向歡
娛地怕挹風前滿袖香

芙蓉初日未堪方羣玉山頭不讓王要奪纏頭三
百萬任伊抹煞杜蘭香

輪菴揆上人過草堂次韻

憶得雙青鬢燕臺燼燭花我饑歸煮石君健去餐
霞藜藿無何肉旗槍有趙茶蠹然儒釋辨爭較此
子差

胡存仁方伯顧余草堂感舊言懷

驚起沙鷗處雲駟到故人卅年憑落月孤夢繫荒

榛別廿九年矣道合升沉異時移劔佩新薜蘿知在眼虛

攬碧巖春隔歲方伯訪余草堂余訪友不值

帆影滄江去旌回鳥道三三顧草堂余三不值野人喧異數處

士入名談魄降諸侯重拜兼金之惠炊新婦子諳女挈含

涕淚深向九原銜余適殤女拜惠得殮

折簡傳空谷珠筵別墅開舉頭驚舊眼回首悟奇

才憶往闌珊夢猶存撥置灰好遲涼月上一一話

深杯

望裏平山遠公暫寓邗江神仙鶴氅回楚江流不住吳月

照仍來風雅維吾道波瀾汲衆材掃門窮老客還

冀拂塵埃

賀張韋存世執捷南宮

花發連枝照碧城家傳七業和嚶鳴日邊早擅無

雙譽天上爭傳第五名公行第五圭壁容臺推服禮簡

編石硯振長纓宮莎內蕊金門晚還踵尚書識履

聲

桂株不數昔燕山元季雙難伯仲間舊壁宮花增

壓帽新題賜錦試衣斑笙簧紫蘂班聯上蹠躩長

楸踏徧還憔悴夸門窮老客重來東閣一開顏

謝京口孫月潭次韻

偶放懷人刻曲舟花明鐵甕舊曾游時從粟里來
珂里每過西州似并州華館聞歌雲乍散同讌京江第寒

洲

一聲擲地赤城來千丈霞標側坐陪似練波瀾非
夢筆如澠才調寄傾杯不令鶴怨無煩孔曾劉雞
籠輒憶雷昨往焦山登絕頂挹君懷抱半天開

同人集環山閣仍疊韻

閣在北固山

一棹聽鶯載月舟蒲新柳細恰來游采蘭賦就逢
湘浦織履人來是睦州花月同時南國舊畫圖工

載北山幽書生莫問升沉事抹倒狂衡鸚鵡洲
雲間日下御風來俎豆諸公北面陪花到開時須
命駕酒澆狂處豈煩杯賞心同望天門月剩語終
慚布鼓雷川媚山輝應不暇建章萬戶一時開

三疊韻再贈月潭

君才萬斛浮溟舟自向天池汗漫游奇士流風來
汝穎傷心得句唱伊州憑欄把酒時時健隱几焚
香事事幽剩有雄懷天畔眼朝朝白鷺送前洲
筆端風雨二陵來屈宋衙官待爾陪黃土美人銷
對鏡鴻溝孺子付銜杯閒情時度長干曲樂府虛

聞小忽雷呼吸自應通帝座直排闥闔九天開
旅次言懷呈張韋存世執并壯輿處冲兩世

兄四疊韻

不獨身如不繫舟此心合與太虛游涉江倘恍思
濠上見月淒涼弔鄜州夢裏燕山真斷絕師門伊
洛半明幽青青依舊王孫草歲歲相逢蘆荻洲
杖藜迤邐錦帆來斷月零雲一路陪舟纜嚴關喧
急柝榻懸舊館話深杯生涯幸少新絲稅身世欣
無戰鼓雷忽漫蒲風吹客鬢轉思櫺亞小窗開

年前館鄜陵署中
窗前有櫺一樹

五疊韻答章聖可夏用修

采蓴常泛楸頭舟聊挂蒲帆浮玉游才藝時名雙
柳暉琵琶冷落獨江州何當健筆詩聯就若見澄
江思轉幽讀罷挾天新麗藻伊人合住鳳麟洲

橋頭淶水袖攜來

兩兄住淶水橋

賓主都忘不用陪國士丰

萃矜綠鬢名山著作出深杯齎龍翔步原無價瓦
缶羣鳴笑聚雷我有草堂吳嶺北蓬門却掃待君
開

六疊韻答何皇士

野航到處避仙舟江畔重來覓舊游通籍故人惟

水部

同年何相如

昔年親申話湖州

今祖鐵崖先生為湖州守○余先舅氏沈君張為皇士外祖

淒涼珠幙朝華落

先舅氏昔年以聲妓自豪

寂寞雲屏夜壤幽尊

為余姊氏物故久矣

契闊死生傷宋遠千回涼月墜芳洲

老去猶堪得得來往時膝繞盡肩陪兩家門戶間

傳研三世滄桑付舉杯地隔爾還能賦月耳聾我

已不聞雷好將身世憑欄話簌簌檐花落復閑

荅張禹邨次韻

論交先世快同游哲匠云亡長夜秋陳迹高臺傾
逝水斷煙南郭蠹高樓傳書罷讀江東暮故老身
親硯北愁無限淒風吹笛到踟躕墟畔為淹畱

荅張齡度次韻

以上京口作

結廬宛爾在人間松桂森嚴未易攀天許風流持

勝地人傳好

去聲

事出名山簾垂細篆花同氣樹亞

危峰蘚混斑我是舊游雙鶴識夜涼月印已忘還

晤汪叔定因傷蛟門

廣篔風長忘暑時交情新故寫淋漓文章易起存

亡感宿草難憑酒一卮

與胡存仁方伯話舊

三十年來一瞬長漫拈秃管費平章元和猶說開

元事莫負旗亭半席涼

贈清枝朱玉卿

連昌月裏譜遺聲一把茅前值晚晴山翠撲來畱
不住花鈿成串落瑤笙

吳宮舊事偶重提腸斷帆前日又西不是韓陵一
片石知音長托鷓鴣啼

集友人齋次辟閑王勤中韻

住山今日偶離山為愛春塘碧漲潺好友乍逢常

惜老名花錯過尚畱殷時牡丹已殘風旛慣聽空王句隔牆

有櫻筍能肥高士顏怪底衝泥雙曳屐也知無計

且消閒適兩友人至

同項東井過鹽官訪曹希文廉讓堂即席呈

曹石閭俞漢乘張皞亭楊崑木沈蒼舒諸

同學

颿帶初晴破霧鱗同行昔日榻前賓門明海角重

游老三年前曾過此堂寫家聲舊譜新希文令祖司馬公為余先人乙丑同譜泉石

有靈譜面目圖書無計訴風塵山中舊有滄波訂

萬里潮聲不隔津到海只三里

剪燭微風動酒鱗馬蹄舊夢主耶賓石閭漢乘兩同年紅泉

共照爭奇冷予三人皆賦歸田玉樹重描看樣新漢乘令子大文風轉

蕙時來綺語鏡交光處絕纖塵希文精舍如雲林清閼從今別

却青鞵侶只此投林罷問津

偃松如蓋卧龍鱗修竹高梧互主賓曲轉不約無

恙在昔年讌鵞亭涉園門通京口後班新揚以齋先生出京口張湘曉先生門余出宗伯先生門與

尚木世衰顏回悵花時誤濯足方忻水絕塵久旱喜雨忽

憶故山濃綠好萬峰斷處有通津

翌日張鵞亭招集遂初堂仍疊韻

杯挹鶯黃盤素鱗三年夢裏幾宵賓虛窗遲月紅

蘭暮敞閣披雲白首新遺事猶追江上別十六年前尊公螺浮

都諫入都曾於白田舟中奉別歡場重落棟間塵輞川高韻千秋業銀

漢乘槎可問津

荅曹石閣仍疊韻

猶憶高齋膾細鱗年華荏苒幾鴻賓無才入俗因

推嬾垂老交情久更新種秫田荒瓢不挂生花夢

斷席凝塵期君同把洪崖袖雲海沉沉欲逮津

秦山吳月闊鴻鱗百里懷人各主賓老眼人琴頻

歲換石閣長君新弃世故山松韭逐時新魯連蹈後餘滄海

平子歸來斷洛塵此地勝游金谷在野人到處當

平津

疊韻荅陳言揚

抱影寒潭偃涸鱗逃禪拈得洞山賓天涯烹鯉如

逢舊海上屠龍快食新獨往驚才揮箇箇鄰虛妙
解析塵塵緣何咫尺玄關路滿眼桃花不識津

君家蟬葉侍龍鱗鳳沼鸞坡作迭賓夢轉金華聯

榻近

言揚羣從皆侍從

家傳銀管粲花新酒闌定有騎鯨客

賦就能無步韞塵東閣舊曾窺丈席掃門今已悵

平津

尚書學山先生予庚戌讀卷師

和楊端木孝廉拙立園十詠之七俱次原韻

苔徑

莫訝求羊步陟迂浮藍暗綠積成鋪立殘夜鶴青
綾薄襯起斜陽碧落無啓戶似分餘黛冷緣階曾

印半弓孤不因芳草連天遠自寫波紋綴畫圖

晚研齋

試問何緣混沌鐫千秋付汝別媿妍堪將一字生
還死應是前身鬼與仙滴瀝池邊潮暈候氤氳鑪
畔膩香天銷沉銅雀風流歇捧袖殷勤弔翠鈿

西榭

一上憑臨縱目空八窗交網鏡光同茫茫想像平
蕪外杳杳關心落照中靜夜怕聞天際笛故人忽
到塞間鴻知君擁鼻長吟倦緩步尋檐送落紅

晴雲閣

出岫縈回似贈君最怡情處帶微醺閒心自寫呈
千幻去意常遲互一羣旋繞屏山容齋齋忽臨檻
水墮紛紛山人鶴斃軒然舉嶺上窗前總不分

擷芳軒

湘遙漕遠路如何采芷搴薜意則那人世難消香
在手夢魂恍見影如娥雕文砌外重重別芳沼磯
前曲曲過安得靈均重一盼蓬蒿滿把亦堪歌

竹養

渭南千畝綠雲覃搖月吟風帶晚嵐疎密自成添
箇箇高低隨處間三三孤懷嵇阮生來癖一幅箕

簞悟後參別後韞材餘幾許從君乞取莫嫌貪

巢經樓

縹軸牙籤四部盈才人一室自縱橫能無廢卷常
三歎便欲攤書了一生誰仰屋梁參禮樂要從青
竹靖戈兵東觀白虎諸儒訟獨有傳薪分外明

次韻荅項東井

問世何人解授餐逢君正值雪聲乾鑪翻茗纈休
嫌熱檐壓梅梢恰耐寒風味誇人鮭菜美壘壘遲
客酒杯寬牆東莫問牆西事

東井別號牆東

自有黃雞報曉

安

贈海鹽查又微

伐木何當擬鄧林偶逢蕭寺托苔岑羞誇衰齒夸

門老乍聽稀音流水深鐵石挽腸酬十願宋廣平鐵石心腸

又微有十願詩風花得氣語同心又微有同心偷結托雷仙句承明早有平輿

藻花萼驚才擲地金令弟昇山太史

仲夏曹希文宴集同人煙雨樓

大地裂重湖危樓懸鼓蓋萬象聚蒼茫此外疑無

外解人登此樓不作煙雨會無以酬此心庶以杯

酒賚爰命集同心一一吾黨最酒酣煙雨來歌舞

亦無害奇文次第成六合此為大蛟龍咫尺興雷

雨神哉霈恍然漾陂游異世相映帶曹子真好奇

古人庶幾賴

苦雨篇贈錢塘翁康貽進士

吳頭天傾二旬雨檐瓦匡瀑瓦震鼓几如浮查牀

敲灘盡喧鵲暗蚊倏舞我疑太陽無是公故使羣

陰騎肆侮扶桑枯斷崦崦沉天公如啼亦如怒康

貽吾兄從天來恍如杲日爍牖戶文章之神道之

鬼拂拂爽氣沁肝腑硯席生春盎太和回顧彼蒼

雨何苦王恭春月謝朓霞觀此無乃皆臣鹵家住

錢塘明聖湖峰雲南北交肱股前身韋偃割吳淞

成巨浩全等噲伍九疑開面詩亦成句裏煙波不可數康貽詩畫兩絕此時莫令酒尊空談天辨海風流府人

生恨不早識君識君那有如君古我來蕭寺稀晨煙時過項子就酒脯衝泥往往快逢君世間散處方成聚歸心忽趁雀來風扁舟清夢渾無主後夜相思月清堂積山頂上天連莽還恐啼猿嘯雨來山人那遣愁盈肚

曹荔軒內部過訪有贈即和韻答

青翰乘潮下蘿門氣破秋白鷗馴乍起紅樹艷爭浮道合雙忘分時平百不憂盡揮千騎擁端為野

人雷

野市無兼味邨醪酌幾蕉官高拚曲禮地峻傍神霄百代空羣鑄秋毫自獵驍山靈如欲舞故故送微颺

衰柳疎堪把秋深造物心四山爭送客空澗落餘音沙上虛翹鷺舟中未罷琴歸塗明月出應見照遙林

墨韻答吳雪篷

舊是居山侶同悲蕭瑟秋雪篷家世東山我知身是幻君與宅俱浮興到堪忘世文成定解憂館娃香逕在勸

爾故鄉畱

一卷封詩至心抽宛轉蕉白頭憐碧嶂綠鬢慰青
霄高韻秋葉發乘風俊鶻驍不衣應自暖君到靜
寒飈

客到詩聯坐飛揚逢華心文章爭奪燄山水罷清
音老瓦休辭醉無絃轉得琴那能淹竟日暝色起
平林

壘韻答桐初姪

每憶相逢地他鄉盡歷秋二十年來與桐初相
值他鄉俱在秋時長貧容
貌在作客履綦浮尋菊堪攜侶持螯暫寫憂快酬

知己願長為鄭公畱

客館寒鐙靜難聽滴瀝蕉半生親兩雪中夜看雲
霄愁到秋成劇詩從敵益驍自慚衰老甚藉爾振
清飈

一老風流盡冰清見汝心桐初婦翁
杜茶邨尚存書帶色不

降黍音息慮宜焚硯憂違莫碎琴幾竿叢竹好
仍共訂投林

庚午春王桐初姪遠來訪我草堂貽五言二

章次少陵西枝邨韻別去至秋復來始得

次韻答之

把茅踞迥谿風雲絕逕路萬山在其西窈窕橫塘
渡即境得地偏因人乃心素灌園何足矜好石因
成趣命駕思千里畏人惜一步梅竹與高梧向我
交相顧方池靜不波映月寒相互不芟爛燥草愛
此婆娑樹自非好我人肯訪頽巖暮柴荆為子開
今宵共霜露

輝輝吾宗秀爽氣開山靜寒日入檐下照兩蒼然
影各追二十年太息聲互永出坎慎夸塗養拙庶
觀井子才通可師予愚蒙自秉高山繞屋南斗室
亦以迴詎知有杜灞亦不師箕穎子有賢主人
曹謂

荔軒歌嘯可不屏相約梅花開吾家有庾嶺時時望
好音登此卷石頂

同友人步月明月寺 在靈巖下

杖底秋容倦眼收招尋逸侶勝豪游地偏我慣閒
尋寺病後人扶怯上樓 余適病起 衰柳露寒初泣月古
塘蛩老競吟秋五湖舊事茫茫裏若箇知音共泛
舟

且將風物一杯收我已衰顏久倦游月正當頭羞
闔戶橋偏橫渡恰逢樓高梧蔭碧燈熒屋絕壑凝
涼氣肅秋偏是故園搖落甚登山臨水擬扁舟

贈曰九上人

由來獅子出滄州憶得逢君又隔秋
藥裏遠貽堦上封書重寄自山頭
心期出世身猶累夢到無生醒却休
敢向猊牀容一搭從今擲却鈎
鼈鈎

水